

124 *Relation de la Nouvelle France*

peufue, Gentil homme Champenois, pour ietter les fondemens de ce genereux dessein. Cette entreprise paroistroit autant temeraire, qu'elle est sainte & hardie, si elle n'auoit pour base la puissance de celuy qui ne manque iamais à ceux qui n'entreprennent rien qu'au branle de ses volontez; & qui scauroit ce qui se passe pour faire reüssir ce grand affaire, iugeroit aussitost que Nostre Seigneur en est veritablement l'auteur. Mais disons deux mots de cette Isle deuant que de passer outre.

On compte depuis l'emboucheure du Golphe de Saint Laurens, iusques au Forillon de Gaspé, où le Golphe se restreñt, & se fait riuere, soixante lieues. Depuis le Forillon de Gaspé iusques à Tadoussac, quatre-vingts dix lieues; depuis Tadoussac iusques à Kebec, quarante lieues; depuis Kebec iusques aux trois Riuieres, vingt-huict ou trente lieues; depuis les trois Riuieres iusques au Fort de Riche-lieu, qu'on bastit sur la Riuere des Hiroquois, douze lieues; depuis cette Riuere iusques à Montreal, douze autres lieues: si bien que depuis l'emboucheure du grand fleue & du Golphe Saint Laurens, iusques à cette Isle, on y compte près de deux